

RAGISCHS

Bever nun es be ün cumün, Bever per me es sinonim a comunitè e patria.

Crescher sü a Bever nu s'limitescha a uras passedas davous baunchs da scoula; Grandir tar nus vout dir savair deffender sia bügl da quartier in battaglias d'ova tres la vschinaunch'intera e chatter ils meglers zops per pudair liberer tuot la rotscha praschuneda a la fin d'ün giö da Capitola.

Nus d'eirans ed essans in pochs, nus Bevrins e Bevrottas, ma per la peja chatta cò eir minchün sia piazza individuela. Toleranza e flexibilitèd es nos paun da minchadi. Zavrer il „bun“ dal „nosch“ (u dal „curius“) nu d'eira simplamaing me ün'opziun. Egoist as chatten svelto solitaris. In üna comunitèd pü pitschna cu nossa nu s'rendan las fintas, perche cha tuot chatta bod u tard üna sfessa e vegn a surfatscha. Uschè s'impreda da solver conflicts e s'aranger cun compromiss impè da'ls eviter, che chi tenor mi'egna experienza es il meglra fundamaint per amicizchas dürablas.

Que pera forssa ün detail ed es sgür eir ün segn dals temps chi's müdan, ma onestamaing sun ils unics nummers da telefon e datas d'anniversari da quèls eau m'algorde sainza agüde electronica quèls da mia famiglia e da mias amihs d'infanzia. Saja cu chi vaja, ma eau vez quistas colliazuns symbolicamaing scu üna rait da rischs chi'm daun fuonz e stabilitèd per crescher in otras direcziuns: Üna sort ancra da vita.